



Early European Books, Copyright © 2011 ProQuest LLC. Images reproduced by courtesy of Koninklijke Bibliotheek, Den Haag. Pflt 634





RESPONCE

D'VN BON PATRIOT ET BOVRGEOIS DE LA VILLE DE GAND, au libelle fameux du S' de Champagney,

intitulé


Auis d'un Bourgeois de la ville de Gand, qui se ressent amerement des calamitez de sa ville.



M. D. LXXXIII.

634

18



RESPONCE

d'vn bon patriot & bourgeois de la

ville de Gand, au libelle fameux du S^r. de Champagney

intitulé

Auis d'vn bourgeois de la ville de Gand, qui se ressent amerement des calamitez de sa ville.



E S ennemis du repos publicq, apostés par les ministres de la tyrannie, ont depuis nagueres publié certains escripts, tendans à degoutter le peuple de la continuation de ceste guerre, que nous auons entreprins par commun auis pour maintenir nostre liberté, & vindiquer

nous & noz enfans, de la seruitude intollerable du roy d'E-spaigne: Or entre les autres qu'ils ont semé à ceste occasion, s'en trouue vn soubs le nom d'vn bourgeois de Gand, qui se dit amerement ressentir les calamitez de sa patrie: Ce bourgeois masqué est le S^r. de Champagny frere du Cardinal de Granvelle, à present prisonier en ceste ville, en laquelle au moyen du support qu'il a de ses partisans & complices, il espere pouvoir commencer l'establissement de la tyrannie du roy son maistre, pour de là rallumer vniuersellement par tout le pays, les seus de l'Inquisition d'Espaigne.

A quoy sachant combien le Prince d'Orange donne d'empeschement, & donnera aussi long temps que son conseil sera creu, & son authorité aura lieu entre le peuple, il employe tout ce qu'il a retenu de sinesse mauuaise, & d'instruction malitieuse de l'escole du Cardinal son frere, pour rendre ledict Prince suspects s'il peut, ou pour le moins nous laisser de luy quelque impression sinistre, ou arrierepensee de sa sidelité & preudhomie.

A 2

C'est pourquoy il calumnie toutes ses actions, & qu'il faict vn amas de toutes sortes d'iniures: qu'il blasme tout ce qu'il a onques fait ou conseillé de bon, & qu'il tache de nous faire trouuer mauuais, ce que par experience auons co-gneu estre l'unique moyen d'empescher l'Espagnol en ses entreprinses.

Or pource que ce libelle fameux est quasi le sondement sur lequel sont bastis tous aultres semblables, qui se sement serretement entre le peuple (partie duquel se repait plus souuent de l'apparence, que de la verité des choses) l'ay estimé que ie serois deuoir de bon patriot (& qui ne se ressent point en faintise comme cestuy cy de nos miseres, mais à bon escient, & qui preuoit la calamité ou nous sommes pour tomber, si nous adioustions soy à telles ou semblables calumnies) si le leuois le masque de ce bourgeois deguisé, & decouurois au vray quelle est la sorte d'affection qu'il nous porte.

Or ie ne veux recercher les matieres de trop haut, ni discourir des ancienes entreprinses des Espagnols, ni des diuers moyes qu'ils ont recherché par plusieurs sois pour establir leur tyrannie en ces prouinces: le refraichiray seulement la memoire des choses qui sont auenues depuis nagueres, & qui sont co-

gneues à tout le monde.

Il est, comme i'ay dit, frere du Cardinal de Granvelle, noury come luy du laict de la tyrannie, enraciné & costit en la hayne de nostre nation, & ennemy luré de nostre liberté, & de tous ceux qui la maintiennent. Ce sut ledit Cardinal son frere qui îngrat des bies receus en ces prouinces voulât saire la principale bresche à la liberté d'icelles, assoiblir l'authorité des Estats generaux, & introduire peu à peu la tyrannie & inquisition d'Espaigne, inuenta auec ses complices l'introduction d'vn nombre de nouueaux Euesques: & dont ne pouuant venir à bout si facilement, comme il s'estoit proposé (à cause de l'empeschement que luy donnerent quelques affectionés au bien publicq) il coseilla au roy de dompter le pays par armes, & depouiller entierement le peuple de ses richesses.

Cefut

Ce fut luy qui haissant les Seigneurs principaux du pays, en partie pour occasios particulieres, & en partie pource qu'il les cognoissoit trauerser ses ambitieux desseins, coiura leur ruine, & les rendit de faict si odieux au roy, soubs vmbre qu'ils fauorisent par trop le bien du peuple, que les Contes d'Egmont & de Hornes en perdirent la vie sur vn eschauffaut, & depuis les Seigneurs de Montigny & de Bergues en Espagne: comme aussi eussent faict tous les autres Seigneurs leurs compagnons, s'ils ne se sussein tenus sur leurs gardes, ou de bone heure saudés hors du pays, par retraitte.

Dont auint que le poure peuple destitué de support, & abandonné come brebis de leurs pasteurs, sust tot apres reduit en vne seruitude miserable, executé en grad nombre par trescruels suplices, & sinalemet ne voyant aucune sin de ses maux ni moyen d'y remedier, sut contraint d'abandonner son pays naturel, en nombre de plus de trente mille samilles, & aller

· vagabonder en contrees estranges.

Voila le bien & repos que nous a moyenné le frere de ce bourgeois depuis vingt années: Iugeons de là quelle forte de resentiment peut auoir de noz miseres, celuy qui est noury en vne telle escole: ains plustost quel chemin il nous monstre, si nous voulons adiouster foy à son dire, pour selon leur desseing ancien, nous accabler d'vne certaine & eternelle ruine.

Nous sommes, graces à Dieu, & l'ayde du Prince d'Orange, ses freres, parens & alliez, restablis au pays, dont les vns estoyent dechassez par les menees du Cardinal, & les autres viuoyent en grande servitude: & y viuons, si non entierement en paix & repos comme il seroit à desirer, (& Dieu scait qui est cause que ne sommes entierement deliurez de toute crainte de noz ennemis, & ne iouissons d'vne tranquillité bien establie) mais au moins en seureté de nos vies, & en la liberté de noz consciences, auec moyen de servir à Dieu purement, & selon qu'il nous enseigne par sa parolle: Et voicy maintenat que ce bon bourgeois plein de compassion nous veult conseiller, & à quoy il nous voudroit induire, si nous estions si

depourueus d'entendement que de le croire.

C'est que soubs vmbre des incommoditez que nous souffronsenceste guerre, & des desordres qui s'y commettent (comme il est impossible qu'il n'en auienne que trop en dissention ciuile) nous quittions nostre liberté acquise à sigrand prix(&laquelle tout homme d'honneur prefere tousiours à sa propre vie) & nous rendions à la discretion du Roy d'Espai-

gne son maistre.

C'est à dire que celluy qui pourra d'entre le peuple s'enfuie derechef en pays estrange, & que la reste soit trainee comme parcideuant par vn boureau au suplice: Que les biens de tous en general soyent confisqués au roy pour le remboursement des frais qu'il a faict en ceste guerre : que noz enfans soyent vendus pour esclaues, & en somme que ce pays iadis tant florissant, soit desormais vne seconde Colonie des Castillans, apres celle des Indes la premiere: Voila l'auis, voila le conseil que nous donne ce bourgeois qui se dit auoir pitié de nostre calamité presente.

Mais il faut que nous luy leuions le masque à bon escient, & que nous espluschions par ordre le contenu de son liure.

Tu dis Champaigny, auecgrande exclamation, que pour complaire à l'ambition de quelques vns, nous sommes insolentement traitez des gens de guerre, & que les extorsions grandes que nous souffrons, surpassent de beaucoup la tyrannie d'Espaigne. Ton dire est faux en l'vn & l'autre endroit, & deurois auoir honte de proferer telle mensonge: car à quelle nation n'est paruenue le bruit de la tyrannie, qui nous a embarqué en ceste guerre? Ce n'a esté pour complaire à des particuliers, comme tu mens, ny pour fournir à l'ambition de ceux que tu calumnies, qu'elle a esté entreprise: ains pour nous exempter de la tyrannie que tu veux restablir, & pour euiter la perte certaine de nos biens & vies : pour laisser vne race france de seruitude, & nous deliurer à iamais du ioug d'Espagne:

d'Espagne: C'est le desir de maintenir la liberté de nos corps. nos ames & consciences, que nous mesprisons toutes ces incommoditez, & que nous donnons liberallement ce qui reste de nos biens, & ce que nous amassons auec beaucoup de peine: Nous faisons comme les malades qui pour reconurer santé, ne font difficulté de prendre des medecines bien facheuses: & comme les laboureurs qui au temps de la famine & grande cherté, sement le grain dont ils ont faute en leur famille, soubs esperance de recueiller puis apres vne moison abondante: Aultres peuples l'ont fait souventesfois, & mesmes nos predecesseurs, qui auec grand louange ont parcideuat soustenu de guerres semblables, & en ont eu bone & heureuse issue: comme nous aurons aussi Dieu aydant, si nous surpassons ces difficultez presentes par constance virile & patience chrestienne, au lieu que perdans courage commetu destres, tu establirois sur nous vne tyrannie perpetuelle.

N'estime donc point pour mentir comme tu fais, pouuoir tromper le peuple, & le detourner de sa dessence: Tes propos decouurent ton intention trop euidemment, comme l'asne se decouure par les oreilles. Ce ne sont que mensonges dont tu remplis le papier, comme tu monstres par trop, quant tu dis, que lon nous a cotraint & forcé de quitter le serment qu'auons faict au roy d'Espagne: Car qui est-ce qui a attendu la contrainte que tu dis? mais plustost qui n'a voluntiers abandonné celluy qui violentoit si cruellement nos corps & nos ames? qui contre les loix qu'il nous auoit iurés & promis tant solennellement, nous traittoit en bestes & esclaues: qui faisoit mourir indifferamment pour la religion, hommes, femmes & enfans de tous eages: qui confisquoit auec grande iniustice les biens des parens innocens, pour rendre leurs enfans à iamais poures & miserables: & qui en somme n'estoit plus prince legittime comme tu dis, mais tyran cruel sur nos biens, nos corps & nos consciences.

Nous ne l'auons donc quitté par force comme tu dis, mais voluntiers & pour occasion legittime: laquelle toy mesme

as pour vn temps faint trouver tresiuste & suffisante pour prendre les armes contre luy & ses ministres.

Aussi ne l'auons nous fait à la persuasion d'aucuns, comme tu dis, mais par vne resolution generale du peuple, qui a esté ratisse par les Estats, magistrat souverain de ces provinces.

N'espere donc point nous abuser par tes propos emmiellez, & nous faire retourner comme tu pretens vers le roy ton maistre. Nous scauons ce que pouvons esperer de luy, & quelle grace nous en pouvons attendre: nous scauons assez qu'il n'a volunté de nous octroyer paix ou repos ou aulcune grace, tant petite soit elle, ny de souffrir vn seul de la religion reformee: La religion est en son endroit vne abomination, & l'abiuration iuste de son nom vn peché irremissible: il nous promettroit bien assez de choses sur du papier, & peut estre par instrumens publiques, mais on les nous tiendroit puis apres à l'accoustumée, & selon le priuilege du Concile de Constance: Les enfans se trompent par osseletz, & les hommes par serments, traittez, & foy solennellement iuree: La promesse que fist le roy du temps de la Duchesse de Parmelors de la requeste presente par les Nobles, & les Edicts qui furent publiez alors en faueur des presches, pour auoir matiere idoine de confiscation, est encores de trop fresche memoire. Ceux de Grenade semblablement massacrez & vendus pour esclaues, contre la foy iuree, nous seruiront aussi pour vn second exemple. Certes, ce ne seroit sagemet fait à nous de nous achopper deux fois à vne mesme pierre: car de penser que la multitude du peu ple l'esmouueroit à compassio & pitié, & qu'en faueur d'icelle, il remettroit les peines, qu'il nous estime auoir meritees, quelle occasió y a il de l'esperer ou croire? ou quel tesmoignagea il one rendu de sa misericorde? Les senteces donnees cydeuant par le Conseil du sang, nous ont aprins quelle est la douceur de la procedure d'Espaigne. C'est, que les vns sont condamnez pour auoir fait les maux qu'ils pretendet, & les autres pour n'vauoir donné empeschement à leur possible. Celluy qui n'a pardoné à son filz vnique, & qui n'a eu pitié de sa femil

8

d

d

me, fille d'un roy de France, feroit il bien quelque grace à ceux dont il a receu tant de mortelles offences? Et quant encores il en voudroit faire pour son regard (ce qu'il ne faut esperer) l'Inquisitio qui condamne ceux de la religion à mort, s'essargiroit elle plus enuers nous, qu'enuers les aultres ? N'espere donc point de nous persuader de retourner vers ton roy, & ne croy aussi qu'auons fait quelque sermet par force. Tu t'addresses puis apres au Prince d'Orange, & pour nous en degouter, le dites estre cause de tous ces troubles: Tu dis qu'il ne cerche qu'à nous tiranniser, & faire son profit parmy ces guerres: qu'il ne desire point d'en venir à bout, & que pour la tirer en logueur, il troune toussours nouuelle matiere: Tu dis qu'il affecte la domination du pays & se veult faire Seigneur de ces prouinces: Tu dis d'ailleurs qu'il n'a d'entendemet assez pour noº maintenir, & qu'il est incapable d'auacer aucu bon affaire: Tu discours de nos calamitez, comme s'elles auenoyet par sa faute: Tu conte les villes que nous avos perdues à son occasio, & les moyes d'y remedier qu'il auroit mesprisees: Tu le taxes d'auoir abusé l'Archiduc Mathias, & n'auoir traitté sinceremet auecque son Alteze: Tu le soubconnes d'ailleurs de l'entreprinse faict sur Anuers, & aultres lieux, & dis qu'il en auoit cognoissance: Tu dis que la maison de Nassau, dont il est issu, est de tout temps ennemie de nous, & de ces prouinces: En somme tu fais vn amas de soubçons confus, & n'espargnes aucune sorte de calumnie: Mais tu changes trop souuent de langage pour en estre creu, & vses de trop de cotredictes pour faire qu'on adiouste foy à ton dire : le menteur se doit bien souuenir de ce qu'il dit vnefois, pour n'estre come tu es, surprins en bourde manifeste: Que si tu ne cognoissois le Prince estre l'arrest de tous tes desseins, & la hache qui coupe toutes tes entreprinses: que c'est luy qui faict euanouir tes deliberations quadil est creu, & quirend inutiles toutes tes forces: tu ne l'attacquerois si fort par tous moyes pour le faire soubçoner & redre odieux au peuple: Tu ne médirois si impudemet de ses actios, iusqs à taxer celles la mesmes qui sont les plus louables.

Les loups accuserent en mesme sorte les chiens euners les brebis, & les dirent autheurs de toute leur noise: Et que pour establir vne bone paix entre eux & les brebis, il failloit chasser les chies arriere de leur garde. Ceste fable nous red sages pour ne te croire point, & asseure le Prince contre tes calumnies. Tu te deuois souvenir quelle persone tu soustiens, & qui est celluy duquel tu parles: d'imputer à aultruy cequi est propre à toy, est vn indice de trop grade impudence. C'est toy, to frere & autres traitres dupais, qui estes les autheurs de tous ces troubles, Et qui par tes inventions touchees cy dessus, auez allumé le feu, qui a reduit le pays en cendres : c'est toy & les tiens qui pour fournir à vos desirs effrenez, & ambition desmesuree, auez inuenté ces moyens, pour auoir matiere de pescher en eauë trouble: & qui pour y paruenir nous auez meurtriz, & tiranniscz cruellement, & depeuplé le pays d'vn sigrad nombre de familles: & qui continuans encores en voz desseins, ne cherchez qu'à deserter entierement ces prouinces.

Le Prince au contraire nous a tousiours soustenu contre tes inuentios celles de ton frere & de tes semblables: Et nous a declairé, lors que nous estions accablez de tyrannie, qu'il auoit vrayement compassion de nostre misere: Estant appellé par aucuns du pays pour nous secourir, il n'y a seullement employé sa personne, & ce qu'il auoit de moyens entre ses mains, mais a engagé presques tout le domaine des Côtes de Nassau ses freres: Et combien que Dieu pour lors ne donna le succes desiré, pour nous deliurer comme il esperoit, si n'a il pourtant laissé de continuer tousiours en son affection premiere: mais se trouuant nouvelle occasió pour nous secourir, & requis autresois de s'y employer, par les estats du pays, il nous amena de reches vne grande armee, auec laquelle & l'intelligence qu'il auoit entretenu au pays, il ietta les sondemes de nostre deliurance.

Ce que depuis il a souffert pour maintenir nostre liberté, & les afflictios notables qu'il a receues, en la mort des Contes Lodouic, Adolf & Henry ses freres, & celle du Duc Christoffle qui

qui tous sont morts en bataille rengee, cobattans pour nous, declarent bien quelle est la haine de la maison de Nassau en. uers ces pays, & la dent de lait que tu dis qu'ils nous portent: Ceux qui mettent leur biens & vies pour nous deliurer de nos maux & calamitez, ne donnent argument de nous porter inimitié: mais bien ceux la qui soubs vmbre de plaindre nos maux & calamitez, tendent à nous ramener au ioug du Roy

d'Espaigne.

Et quant à la dominatio dont tu le veux taxer, quel tesmoignage nous en donna il oncques? ou quel argumet as tu pout le couaincre? S'il eust taché de se faire Seigneur de ces pays, & que ce fut esté le but principal de ses entreprinses: Il n'eust tat tardé à se seruir des occasions, & n'eust resusé les offres qui luy ont esté faictes: Nous scauons ce que souvent nous luy auons deferé, & cobien de moyes il a eu pour faire ce que tu veus dire: Ceux qui en veulet parler sinceremet, scauet qu'il a toussours & peut estre trop repoussé nos instances: Certes celluy qui prefere vn aultre Prince à soy, ne peut par raison estre jugé d'affecter la Seigneurie que vous dites: Celuy qui pose la courone sur la teste d'autruy, ne scauroit estre siambitieux que tu le taxes: Car de dire qu'il ayt trouué bon d'appeller autres princes pour establir son authorité propre, & qu'il se resernoit tousiours le moyen de s'en defaire, ne croiront iamais ceux qui ont quelque iugemet, & scauent qu'on ne comunique iamais l'authorité principale: Les couronnes sont de telle condition, non moins que le mariage, qu'elles n'endurent compagnon queleonque: tellement que celluy qui affectera Seigneurie pour soy ayant le moyen pour l'obtenir, ne s'oubliera iamais de la communiquer à d'autres.

Aussi n'est ce chose aysee, de deplacer vn Prince esseu, & establidans vn pays, par la voix generale du peuple: Sur tout quant il est d'vn reng souverain, & tel qu'estoit son Alteze, fils & frere des roys de Frace: Et si le malheur d'Anuers n'eust sur uenu si trestot, & deuar que son authorité estoit bien establie, Ion eust trouvé la verité de cecy, & que ce n'est de tels princes

que lon peut iouër (comme tu dis) à la pelotte.

Touchant à l'Hollande dont tu le veux soubconner, quat bien ainsi seroit, que ceux dont il auoit tousiours esté Gouner= neur, ayans tat de preuues de sa fidelité & amour enuers eux, l'eusset requis d'en accepter la protectio en tiltre de seigneurie: & que de son costé (pour n'abandoner en vn coup tout le pays entier à la franche disposition & arbitre d'un ieune Prince estranger, qui pour ne cognoistre les humeurs des gens du pays, & n'auoir pratiqué leurs loix, coustumes & prinileges, pouoit se laisser abuser, ou par le mauuais conseil des siens, ou par les sinistres menees des Pensionaires du roy d'Espaigne)il eust iugé, mesmes auec le bon gré & volunté de son Alteze, ne deuoir du tout reietter ceste requisition de ceux d'Hollande, comme il a reietté celle de plusieurs aultres prouinces, desquelles il voyoit le salut consister en l'appuy d'vn prince de plus grande puissance, quelle chose y trouuerois tu à reprendre iustement? ou quel indice d'ambition y pourrois tu remarquer? mais au contraire, quel plus grand tesmoignage scaurois tu alleguer, non seulement de sa grande preuoyance & amour enuers ces pays, accompaigné d'vn soing singulier pour les conseruer tous en leurs libertez, mais aussi de singuliere attrempance & modestie, esloignee de toute cupidité & ambition? puis que l'euenement mesmes a approuué ce bon conseil, & en a rendu tesmoiguage à tout le monde.

Mais tu veux faire ton proffit de tout, & plyer tes mensonges come vn nez de cire: Vn mesme subiect te sert à plusieurs calumnies, les vnes entierement contraires aux aultres: Tu dis tantost qu'il trahist le pays vers son Alteze, & tantost qu'il suscite les pays contre icelle: qu'il suscite des moyens pour le faire hayr à ceux de la religion, & bref qu'il ne luy porta onc bonne volunté quelconque: Mais c'est en vain que tu te trauailles tant, & prens tant de peyne pour deguiser tes mensonges: vne seulle chose te conuaincra menteur, & couperra le neud de tant de bourdes entortillees. C'est que le Prince estant à vn pas de la mort, & en tel estat qu'il n'y auoit

en luy aucune apparence de vie, nous dit, ne cognoistre Prince plus idoine que son Alteze pour nous secourir, ny Prince de meilleure esperance pour paisiblement gouverner vn peuple: Et pour cela nous commanda de l'honorer, l'aymer, & l'estimer pere de la patrie: Ce sut l'adieu qu'il dit aux Estats generaux, & le testament de sa volunté derniere: Ce sut l'opinion qu'il auoit conceu de son Alteze, & le tesmoignage de l'affection non fainte qu'il portoit à icelle: Qui maintenant, sinon par trop inique, croira ce que tu dis de ses dissimulations si grandes? Certes la dissimulation n'a plus de lieu, quant il est question de sortir de ce monde : Ce seul acte te conuaincra de mensonge, voire & donnera à iamais lustre à la reste de sa vie.

Que si son Alteze a depuis creu mauuais conseil, ou que de soy il ait eu vue intention mauuaise: Ce n'est raison d'en acculper celuy, de la fidelité duquel & amour euers le pays, nous auos receu tant de tesmoignages: Le Prince iugeoit son Alteze fort homme de bien, & prince propre pour nostre deliurance: Si le contraire en est auenu, ce n'est pas luy qui en doit porter la peine: Celluy qui ne iuge que par l'euenement, & non point par les raisons: ne merite d'estre iamais heureus, ny d'auoir bon succes en ses affaires: Les sages ont tousiours faict aultrement, establissans leurs conseils sur raisons bien fondees, & n'ont esté esmeu par les euenemens, que Dieu seul

tient en sa puissance.

Et si maintenat encor le Prince apres vn desastre sigrad qu'est celuy qui adueint en Anuers, Bruges, Dixmude & ailleurs, ne s'eschauffe au gré d'aucuns, pour prononcer à la haste sentence contre son Alteze: qu'il ne le degrade de toute authorité, & le declare descheu de ses droits & preeminences: Ce n'est pourtat qu'il n'ayme le bie du pays & ne cerche les vrais moyens de sa deliurance : mais la grande experience des affaires accopagnee d'vn bon iugemet, luy apprenent la regle prattiquee de tout temps entre gens d'estat estre veritable. C'est, qu'il faut deliberer longuement des choses qui ne sont à refaire, & lentemet proceder aux responses absolues: Et que le temps faict toutes choses auec douceur, que malaisement se

prattiqueroit par violence.

Or quant à toy tu voudrois que non seulement son Alteze fut declaree deceue de ses droits, comme il a merité, mais mesmes qu'on l'irritast par toutes sortes d'iniures: Et en cela n'es tu pas depourueu de raison, toy qui es conseiller du roy d'Espagne: Car tu cognois cobie la Frace te peut causer de mal, voire quat seulemet elle ne nous est enemie: Et que lors nous serions au dessus de tous nos affaires, quant elle s'employeroit vn bon coup & à bon escient pour nostre deliurance: Ce que sans doute elle feroit sans dilaier, si ausi bië entre eux que parmy nous, les ducats d'Espagne n'auoiet creué les yeux de ceux, qui empeschet le conseil tant salutaire, de la revnion de toutes les Gaules: Chose que tu cognois estre l'vnique moyen pour es bransler la cincquiesme Monarchie que ton roy desseigne: C'est aussi pourquoy tu employe tous tes esprits pour en degoutter entierement le peuple, & que tu veux rendre le prince odieux & suspect, comme s'il vouloit renouer ceste alliance. Or quelque coulleur que tu donne à tes propos pour nous deguiser la matiere que tu as plus à cueur, si cognoissons nous assez que c'est nostre liberté que tu cobats, quat tu t'addresses ainsi que tu fais à sa personne, laquelle si tu ne peux accabler par vn moyē, tu assaus incontinent par vne autre sorte: Vovla pourquoy cognoissant tes soubçons tresmal sondés pour le nous rendre suspect, tu n'as honte de le taxer d'insuffisance, &dire qu'essant addonné à ses plaisirs pendant que nous trauaillons, il ammene toutes choses en desordre: Qu'il n'a cofeil, addresse, vertu ni courage, pour executer chosed'importance: Si ton roy est de ceste opinion, pourquoy tend il tant d'embusches à sa vie?qu'euoie il pardeça tant d'assassins diners, & de meurtriers apostés à sa ruine? Que s'est il maculé d'vn deshonneur si grand que d'establir salaire prefix à qui rapporteroit sa teste.

Certes nous ne sommes si folz de nous laisser persuader par toy vne chose, que tu ne croy point toymesmes, & laquelle

ton roy voudroit que fut creue de nous, & plus encor qu'elle fut veritable: il auroit épargné beaucoup de millions, & seroit passé long temps paruenu à son intention, là ou, Dieu aidant, il n'y paruiendra de sa vie: Le Duc d'Alue, ton frere & autres ont experimenté l'insuffisance de celluy qu'ils ont combatu, auec vn si grand auantaige, & combien les armees royalles leur ont seruy, contre ses petites troupes ramassees: L'Hollan. de paisible le tesmoignera tousiours, & en fera foy apres plusieurs siecles: Que si pardeça nous n'auons eu semblables succes, & que les choses y sont allé en decadence : on en peut remarquer la cause au doigt, & qui sont ceux qui en ot le blasme: On scait assez que toy & tes semblables, auez par tous moyens empesché que lon ne suivit les bons conseils & auis que à chascune occasion il nous a donnez: & lesquels si par nous eussent aussi promptement esté mis en execution, comme par luy ils estoyent prudemment proposez, & par toy & tes semblables malignement renuersés, nous sussions à cest'heure au dessus de noz malheurs, & long temps y a que ceux la seroyent pardela les mons, qui maintenant commandent à baguette: Combien qu'en cela mesmes lon peut voir le peu d'ambition qu'il y a eu en luy, quant il s'est porté en ceste sorte: Carsi en lieu d'aduis & conseil qu'il s'est contenté de donner, il eust voulu vsurper l'authorité qu'on luy a assez offert, il ne luy cust pas manqué des moyens assez, pour couper bien souuent le fil des trames qu'on a ordues, pour épescher ou retarder l'execution de ses conseils: mais pour clorre la bouche à tous calumniateurs, tels que tu es, il a tousiours laissé l'authorité entre les mains des Estats du pays, se contentant de nous monstrer le chemin que deuons aller, pour auoir vne bonne issué en ceste guerre: Ce que mostre ton impudece tant plus grande, quand tu luy reproches la perte de la ville de Mastricht, laquelle sut au commencement assiegee par saute de vouloir accepter la garnison que le Prince y auoit enuoyé, & à la fin abãdonnee par la desvnion des malcontens, qui fut lors pratiqué en Flandres.

Le mesme re dira lon d'Audenarde, & austres places qui seroient encore en nostre pounoir, si elles eussent voulu receuoir la garnison que le Prince leur iugeoit estre necessaire: come est auenu à la ville d'Herentals, que tes gens furent contraints de quitter, pource qu'elle auoit esté pourveue de gens de guerre: c'est pourquoy encores en ton escrit tu conseilles, de ne receuoir garnisons és villes, & pourquoy tu empesches par tes compaignons secrets, que nous n'en receuions dedans la nostre: Ceux de Bruges recognoissent à cest' heure leur erreur, auquel tu les as entretenus, & scauent qu'ils estoient perdus, s'ils n'eussent appellez des ges de guerre, desquels s'ils eussent esté pourueus en temps, on n'eust esté cotraint d'abadonner Menin en sigrand' haste: Et si nous auions aussi des yeux pour voir nostre danger, nous n'attendrions à en receuoir, quant l'ennemy seroit dedans nos portes, & que (si ainsi est que nous ayons loisir de les appeller) nous serons peut estre contraints d'abandonner Alost, Denremonde ou autre place, à leur exemple: mais c'est ce que tu nous persuades, & auecq raison, puis que tu ne cerches que nostre ruyne, & que tu as entreprins de faire trouuer mauuais & renuerser tout ce que nous peut preseruer d'icelle: toute chose bonne te desplaist, & qui sert à ruyner la tyrannie. C'est pourquoy tu mesdis de l'authorité que fut donce aux dixhuit hommes, & que tune trouves bon celle, qui est establie pour le Conseil de la guerre, lesquelles, pour auoir quelque apparece en tes propos, tu dis contrarier à nos anciennes coustumes : c'est pour cela aussi que ru blasmes la reformation du Conseil de Flandres, & le redres de la chambre des comptes, & en somme que tu tasches de nous degoutter de tout ordre & maniere de saire que tu scais renuerser tes entreprinses. Mais voicy pourquoy ces choses te desplaisent tant, & que tu les blames come choses tresmeschantes: Tu auois encor en toutes sortes d'Estats, ceux qui secretement te fauorisoyent, & qui renuersoyent tous nos desseins, & par ce moyen sont cause des miseres ou nous sommes: Nous en auons deplacé quelques vns d'entr'eux, & remply leurs

ply leurs places de personnes idoines: Cela te fait mal, & en mesdis, pource que tu crains que nous chassions encore ceux qui estans de ta bande, restent au millieu de nous, & par leurs subtils moyens, & contremines secrettes, empeschent que les affaires qui sont en desordre, soyet restablies & remises sur vn bon pied C'est pourquoy tu dis que nous violons les loix, trasgressons les vieilles ordonances, & bridons la jurisdiction du magistrat, encores que tu scaches bien, & ne sois ignorant, que les loix & polices sont faictes pour le bien, repos & soulagement du peuple, & non pour le lier & detenir, comme tu veux, en seruage: C'est pourquoy il les faut accommoder au temps & selon que les occurrences requierent, pour apres la necessité passee, resourner derechef à l'entresenement d'icelles: Les plus sages en ont vsé ainsi, & ont laissé aucunesfois dormir les loix, pour vn espace: Combien que quant tu voudrois parler à la verité, tu scais que les loix & po lices de ceste ville, n'ont pas esté vioices lors que les dixhuict ont esté esleus, & les affaires redressees, mais long remps auparauant, & lors que soubs ymbre de chastier aucus de la ville, on y bastist une citadelle, &qu'on la prina de toures ses anciennesloix, polices & priuileges, lesquels par le moye & par l'assistence & industrie de celuy que tu calomnies, nous ont esté restablies: N'espere donc point par ces discours nous pouuoir degoutter de ceste saçon de faire, qui est l'vnique moyen que nous auons en main, & le plus propre remede pour rendre tes desseins inutiles, & t'empescher de paruenir là ou tu penses, & lequel nous prattiquerons à bon escient, si nous sommes sages, & ne laisserons au gouuernail auleune personne suspecte, & qui par ses actions nous a donné occasion d'arriere pensee: C'est la le poin& qu'il fault moyenner sur tout, & auancer en toutes façons & manieres, voire sans nous y endormir, si nous ne voulons estre la proye, que si long temps tu espies.

Ce pendant comme si tu estois fort soigneux de nos priuileges & te sussent en singuliere recomandation: Tu dis que lon en nous a rendus que les plus inutiles, & que les vtiles pour nos mestiers, sont demourés en arriere: Ol'homme soigneux de nostre prosperité? & qui a grand soin du bien de nostre ville? As tu oublié ce que tu fis respondre au Duc d'Arscot, quant nous demandions nos preuileges auec instance?& laquelle response, auec tes aultres complots, sut cause que toy & tes compagnons, fustes depuis arrestés en ceste ville: Celuy qui n'auroit memoire de tes actions passees, t'estimeroit quelque grandamateur du peuple: Mais encor ne te scaurois tu garder de decouurir ton affection, & de monstrer combie nos loix & preuileges te sont agreables, quant tu dis qu'ils sont cause de faire tumultuer le peuple, & que tu calumnies le Prince qui les nous a moyennés, & auquel pour ce bienfait, nous presentames à son entree en ceste ville, vn cœur ouuert remply de sincerité, pour tesmoinage de nostre gratitude.

Mais à quoy tend ce que tu dis de nos doyens, & de leur pouvoir diminué par les ordonnances nouvelles: Estime tu les pouuoir attirer à toy, & les faire participer à ton intention mauuaise? Car quel soin as tu de leur authorité, laquelle tu as tousiours mesprisee? Nous scauons le respect qui leur est deu, & tenons leur authorité pour inuiolable: car ce sont eux qui ont soin de nostre bien, & de nostre liberté, & qui nous preseruent contre tes pieges, fauce trappes, & piperies: Situ abuses de la simplicité de quelques vnspar tes propos deguisés, c'est qu'ils ne cognoissent encor la fraude que tu counes: Tu leur persuades que tu es leur boulleuert, & que tu leur sers de bonne asseurance: que s'ils cognoissoyent bien tes desseins, ils te mettroyent bien tost en butte: Lors aurois tu ce que tu as merité, & recompenserois vne partie de tes desertes.

Tu plains aussi nos Ecclesiastiques, & dis, qu'ils ont esté saccagez à la suggestion du Prince, cobien que tout le monde scache & cognoisse, que les plus que brutales & infames amours de plusieurs d'être eux, esmeut le peuple de les chasser tant de Gand que de Bruges, & puis apres de toute la prouince, & que ce fut vn vray iugement de Dieu qui decouurit leur turpitude

dont les informations en tesmoigneront toussours, & leurs confessions tant abominables: Car quant aux Abbez qui se retirerent puis apres, lon scair aussi qui en sut cause, & qui leur mist la puce en l'oreille, pour commencer par eux la diuisson, qui fut prattiquee par toy & par tes semblables, & que le Sieur d'Embize fut contraint de s'addresser à aucuns d'entr'eux, pource qu'ils nous suscitoient des troubles: S'ils se sussent contenus modestement, comme au parauant, ils eussent esté respectés auec grand louange : aussi bien leur deuons nous cest honeur, que de leur attribuer bone partie de nostre deliurance. Ce surent eux qui chasserent l'Espaignol, & appellerent le Prince & son armee: qui nous donnerent le moyen de demolir le chasteau, fournirent argent pour payer les gendarmes, & donnerent les bois pour les instruments necessaires au siege: Mais les bons Seigneurs se laisserent bien tost escouler à tes propos, dont tu as causé leur ruyne: Et c'est ainsi que tu continues tousiours à suyure la pointe du Cardinal ton frere: Il sut autheur de les despouiller de leurs biens, pour les annexer aux Euesques de la nouvelle forge: & tu as à cest' heure acheué de les ruyner, soubs, ie ne scay quelle esperance vaine: Et certes ie plains les bons Seigneurs, & ay pitié de leur calamité prochaine: car encor qu'on se serue d'eux par beau semblant, si ne leur pardonnera on non plus qu'aux aultres, & non plus que lon fera aux Seigneurs principaux, que tu as aussi tiré à ta cordelle, & lesquels on employe bien és charges principales, & aggrandit en beaucoup de dignitez & tiltres, mais apres qu'ils s'en seront seruy jusques au desseing proposé, que les villes d'Artois & d'Haynaut seront enuironnees de tous costez, & qu'ils auront estably vn fondement à leurs entreprinses, leurs testes respondront pour leurs actions passees, & ne predra on leurs seruices en recompense: Voila pourquoy ie les plains tous ensemble, & mesmes les Prelats & Ecclesiastiques.

Ce n'a donc point esté le Prince qui les a chassez & saccagez, comme tu dis, & encore moins s'est il enrichi de leurs despouilles, desquelles il n'a rien tiré à soy, ny mesmes eu maniment ny disposition quelconque, ains les Estats du pays, qui s'en sont saysis, pour les employer és charges de la guerre: que si des particuliers en ont fait leur profit, ce n'est pas luy qui en est coupable, auquel rien n'en a esté assigné par eux, que pour payer les debtes d'Allemaigne, dont ils s'estoyent auparauant chargez, comme de choie faite pour leur seruice: Et toutessois encor jusques à present, tous lesdits biens sont en leur estre, sans qu'il en ait retiré profit ny soulagemet quelconque. Voyla comment tu calumnies le Prince, quand tu dis qu'il les a detournez à son vsage, ou donné au profit de ses domestiques: Comme aussi est vn mensonge impudent, ce qui touche nos deniers publics, dot tu dis qu'il a rempli ses coffres: Car quelle administration en eut il onc? ou de quelle somme a il donné ordonnance? qui sont les thresoriers qu'il a establis, & que tu dis auoir esté mis à sa poste? nous auons denommé nos thresoriers, & auons disposé de nos finances, c'est nous & nos Magistrats qui les auons employez, & qui en deuons estre comptables: Si les soldats n'ont esté payez comme il couenoit, & qu'il en soyent ensuiuy des desordres, il faut scauoir qu'est deuenu nostre argent, & le scauoir de ceux qui en ont eu la maniance: Le Prince lors qu'il fut pardeça, nous fist sur ceste matiere vne bonne remonstrance, & taxa bien assez ceux qui auoient administré nos deniers, nous declarant qu'il en auoit les mains nettes : aussi scauons nous bien qu'il disoit verité, & ceux la sur tout, à qui l'affaire touche: Il faudroit doc scauoir que sont deuenus tant de deniers, & s'ils ont esté employez pour l'vtilité publique: Ceux qui de poures sont deuenus tresgras, & pour n'estre comptables, te tiennent la main, s'en trouueroyet peut eftre auoir remply leurs bourses: Car quant au Prince que tu en veux charger, on ne l'en peut soubçonner auec verisimilitude: Non plus que le Conte de Svvartzenborch qui est mort, chargé d'vne infinité de debtes, creez la plus grand part pour nostre seruice: Ny les autres aussi, que tu dis auoir eu part à ce butin, pour en payer leurs debtes en Allemagne: Ce sont toutes calumnies hors de propos, &

pos, & qui ne sont d'aucune apparence: Ayants ceux que tu accuses, come les Contes de Nassau, & de Hollach, employé beaucoup de leur bien jusques auoir encor leurs terres engaigées, pour nous enuoyer gens de guerre à nostre ayde: Mais tu piques egallement tous ces Seigneurs, pource qu'ils sont parens & alliez du Prince, & que luy portans assection, & à nous à cause de luy, ilz s'employet tous ensemble contre la tyranie.

Tu nous voudrois aussi voluntiers persuader que le Prince n'ayme ceste ville: que ses ancestres nous ont voullu saccager, & que luy nous mine par discordes: Tu fais vn discours meteur, des iniures qu'en aurions receues, & fais semblant d'auoir soin particulieremet d'aucuns d'entre nous, pour le rendre odieux à quelques gens simples: Car tu te soucie bien de Cauandries, si à tort ou à droit il a esté destitué de sa côciergerie: Si François d'Embise a perdu le balliage d'Audenborg ou point, & s'il a receu les iniures que tu contes: Mais toute matiere te vient à plaisir, pourueu qu'elle serue à mesdisance: Le Seigneur Ian d'Embise, que tu pleins en ton escript, n'a garde de s'arrester à tes piperies: Il te cognoit mieux que tu te fai toy mesmes, & te hait, pource qu'il scait de quel bois tu te chauffes: N'espere point le pouuoir prattiquer, pour pleindre sa retraitte en Allemaigne: Car c'est luy seul que nous auons choisy expres, pour rompre le cours de tes prattiques, & pour t'oster le moyen de nous troubler comme tu fais, par ceux qui ne parlent que par ta bouche: & qui te pensent rendre chefde quelque malauisés, qu'ils pratiquet iournellement en ceste ville: Ce pendant pour te concilier quelque faueur vers luy, tu compares ta prison à sa retraitte: Tu dis que le Prince le chassa par enuie, & que les amateurs du bien public (qui font toy Champagny & tes compagnons) auoient esté traitreusement emprisonés pour mesme cause. N'as tu pas honte de t'appeller amateur de bien public, toy qui ne pourchasses que la ruine du peuple? O l'homme de bien auquel nous sommes tant obligés, qu'il s'ose balancer aux merites du Seigneur d'Embise? Quelle proportion y a il

entre toy & luy, & quelle conuenance entre intentions si'diuerses? Il est amateur de son pays, ennemy des tyrans & de la
tyrannie: Toy Espagnol nostre ennemy de race, ambassadeur
secret pour nous ruiner, & prisonnier aposté par le roy d'Espagne: En somme frere du Cardinal, autheur & slambeau de
tous ces troubles: voila la conuenance que tu as auec le Seigneur d'Embise, que tu sais semblant de sauoriser, la ou tu le
hais à mort pour auoir esté cause de ta prison, & de ceux qui
auec toy tramoyent la corde de nostre ruine: C'est aussi la
cause pour laquelle tu hays tous les gens de bien, & que tu
blasme les Seigneurs de Ryhoue, Tempel, & d'autres qui
vallent mieux de toy, & ne sont morts de saim, comme tu dis,
ny de race vile, comme la tiene: Tu es seulement marry
qu'ils sont en authorité, & qu'ils ont puissance de te nuire.

Mais tu te monstres bien de basse extraction, quant tu n'espargnes mesmes iusques aux dames, & que tu as osé mentir si impudemment de seu Madame la Princesse d'Orange: La maison tresillustre de Bourbon dont elle estoit, deuoit mettre quelque bride à ta mesdisance, & te faire souvenir qu'il n'appartenoit au fils d'vn forgeron, de laisser sortir telle fausse parolle de sa bouche: Mais il ne te chaut de chose que tu die, ne de quelle matiere tu remplis le papier, pour ueu qu'elle serue de calumnie, & de moyen pour abuser vn peuple: C'est ce pendant sollement saict à toy, & te pourroit bien encor coutter cher ceste tiene solie: Tu te deuois souvenir du lieu ou tu es, & de la peine que prisoniers suscitans troubles, & sedition entre le peuple, meritent: Ceux qui te sauorisent en tes desseins, & qui sont les ministres pour publier tes liures, ne te scauront, peut estre, secourir au besoin, & te desendre de

la mort, que tu merites: Car ta teste pourra bien reparer tafaulte, si nous sommes auisez, & payer la peine que tu prens pour nous abuser, & ensemble recompenser ta secrete ambassade.

